

12.03.2018թ.

ք. Երևան

ՀՀ ԿԱ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԱՇԽԱՏԱԿԱԶՄԻ ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 368302/02
ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ԿԱ ՊԵԿ աշխատակազմի իրավաբանական վարչության պետ Ա.Մնացականյանս, քննելով 12.03.2018թ. թիվ 3124 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

Անհատ ձեռնարկատեր Սամվել Իսրայելյանը (<ՎՀՀ՝ 23203712, հասցե՝ ք.Երևան, Նոր Արեշ 50 փող., 100/2 տուն) համաձայն ՀՀ հարկային օրենսգրքի 457-րդ հոդվածի 6-րդ մասի՝ 2017թ. դեկտեմբեր ամսվա հսկիչ դրամարկղային մեքենայով իրականացված հաշվարկների հանրագումարի վերաբերյալ տեղեկությունները օրենքով սահմանված ժամկետում չի ներկայացրել հարկային մարմին, որի համար պատասխանատվություն է նախատեսված վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Փոստային ծառայության միջոցով հետադարձ ծանուցմամբ Սամվել Իսրայելյանին ծանուցագիր է ուղարկվել՝ 20.02.2018թ-ին, ՀՀ ԿԱ ՊԵԿ աշխատակազմի իրավաբանական վարչություն ներկայանալու, վարչական իրավախախտման վերաբերյալ գործի քննությանը մասնակցելու վերաբերյալ: Փոստային ծառայությունից նշված առաքանու ծրարը ետ չի վերադարձվել:

Վարչական վարույթի շրջանակներում Ս. Իսրայելյանին առձեռն հանձնվել է վարչական իրավախախտման գործի վերաբերյալ 19.02.2018թ-ին կազմված ծանուցագիրը:

Գործի քննության ընթացքում Սամվել Իսրայելյանը դիմում է ներկայացրել այն մասին, որ տարածքային սպասարկման բաժնից տեղեկացել է, որ կապված օրենսդրության փոփոխության հետ նշված տեղեկությունները կարող է ներկայացնել մինչև հունվարի 20-ը ներառյալ:

ՀՀ ԿԱ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի է դարձել, որ 2017 թվականի դեկտեմբեր ամսվա ՀԴՄ-ով իրականացված հաշվարկների հանրագումարի վերաբերյալ տեղեկությունները ներկայացվել են 17.01.2018թ-ին էլեկտրոնային տարբերակով:

Համաձայն ՀՀ հարկային օրենսգրքի 3-րդ հոդվածի 1-ին մասի 7-րդ կետի հարկ վճարողները պետք է օրենքով սահմանված կարգով ինքնուրույն հաշվարկեն և վճարեն հարկերը, վճարները:

Հաշվի առնելով, որ դիմումատուի կողմից ներկայացված փաստերը պատասխանատվությունը բացառող հանգամանք չեն հանդիսանում, սակայն ելնելով վերոգրյալից և նկատի ունենալով, որ Ս.Իսրայելյանը նախկինում վարչական պատասխանատվության չի ենթարկվել, ուստի ղեկավարվելով վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 33, 244², 281 հոդվածներով և 282 հոդվածի 1-ին կետով՝

ՈՐՈՇԵՑԻ

Համաձայն վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով, Սամվել Իսրայելյանի նկատմամբ կիրառել վարչական տույժ՝ նշանակել տուգանք 10.000 (տասը հազար) դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ



Ա. ՄԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝

Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ընդունելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեմարաններին.

900005240487՝ տուգանքի 70%, 900013000246՝ տուգանքի 30% վճարման անդորրագրի <<նպատակ>> դաշտում

պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը _____